

史記

史記  
二〇一〇

紀

秦本紀

全二十冊

220.1  
1270  
Vol. 2



史記卷第四

六經通串

楚鍾惺

批評

周本紀第四

周后稷名弃其母有邠氏女曰姜原姜原為帝

嚳元妃姜原出野見巨人蹟心欣然說欲踐之

踐之而身動如孕者居期而生子以為不祥弃

之隘巷馬牛過者皆辟不踐徙置之林中適會

山林多人遷之而弃渠中冰上飛鳥以其翼覆

薦之姜原以為神遂收養長之初欲弃之因名



曰弃篇首名弃二字本無緊要却接以隘巷等

數段分解弃字而結以初欲弃之因名曰弃覺名弃二字亦非虛

用文情相生妙手妙手弃為兒時屹如巨人之志其游戲好種樹麻菽麻菽美及為成人遂好

耕農相地之宜宜穀者稼穡焉此句、使、氣、得、與民皆法則之帝

堯聞之舉弃為農師天下得其利有功帝舜曰

弃黎民始饑爾后稷播時百穀封弃於郟號曰

后稷別姓姬氏后稷之典在陶唐虞夏之際皆

有令德后稷卒子不窋立不窋末年夏后氏政

衰去稷不務不窋以失其官而奔戎狄之間不

窋卒子鞠立鞠卒子公劉立公劉雖在戎狄之

間復修后稷之業務耕種行地宜自漆沮度渭

取材用行者有資居者有畜積民賴其慶百姓

懷之多徙而保歸焉周道之興自此始故詩人

歌樂思其德公劉卒子慶節立國於豳慶節卒

子皇僕立皇僕卒子差弗立差弗卒子毀隄立

毀隄卒子公非立公非卒子高圉立高圉卒子

亞圍立亞圍卒子公叔祖類立公叔祖類卒子

古公亶父立古公亶父復修后稷公劉之業積



古公是古今第一知弃取人重上地則弃財物重人民則弃土地而皆兼得之

德行義國人皆戴之此說亦復是或狄攻之欲得財物

予之已復攻欲得地與民此說亦復是民皆怒欲戰古公曰

有民立君將以利之此說亦復是今我狄所為攻戰以吾地

與民民之在我與其在彼何異民欲以我故戰

殺人父子而君之予不忍為乃與私屬遂去幽

渡漆沮踰梁山止於岐下幽人舉國扶老攜弱

盡復歸古公於岐下及他旁國聞古公仁亦多

歸之於是古公乃貶戎狄之俗而營築城郭室

屋而邑別居之作五官有司自是特識特力古公才近周公有周

雅制半出其手觀大雅瓜瓞諸詩可見民皆歌樂之頌其德古公

有長子曰太伯次日虞仲太姜生少子季歷季

歷娶太任皆賢婦人生昌有聖瑞古公曰我世

當有興者其在昌乎長子太伯虞仲知古公欲

立季歷以傅昌乃二人亡如荆蠻文身斷髮以

讓季歷古公卒季歷立是為公季公季修古公

遺道篤於行義諸侯順之公季卒子昌立是為

西伯西伯曰文王古公立季歷以傅昌積德累

天下此亦開國立家至情初無損於古公故剪商之說周人自道之初不為其祖父諱也而後



古公是古今第一知并取人重上地則并財物重人民則并土地而皆兼得之

德行義國人皆戴之此蓋有戎狄攻之欲得財物

予之已復攻欲得地與民此民皆怒欲戰古公曰

有民立君將以利之此今戎狄所為攻戰以吾地

與民民之在我與其存彼何異民欲以我故戰

殺人父子而君之予不忍為乃與私屬遂去幽

渡漆沮踰梁山止於岐下此幽人舉國扶老攜弱

盡復歸古公於岐下及他旁國聞古公仁亦多

歸之於是古公乃貶戎狄之俗而營築城郭室

屋而邑別居之作五官有司自是特識特力古

經制中出其手觀大民皆歌樂之頌其德古公

有長子曰太伯次日虞仲太姜生少子季歷季

歷娶太任皆賢婦人生昌有聖瑞古公曰我世

當有興者其在昌乎長子太伯虞仲知古公欲

立季歷以傳昌乃二人亡如荆蠻文身斷髮以

讓季歷古公卒季歷立是為公季公季修古公

遺道篤於行義諸侯順之公季卒子昌立是為

西伯西伯曰文王古公立季歷以傳昌積德累

仁使子孫得待時乘勢以有天下此亦開國立家至情初無損於古公故剪

商之說周人自道之初不為其祖父諱也而後



人乃屑屑焉代為之諱不亦多事乎是欲使前  
而古公後而武王與文王同一行徑而後可此  
古聖賢必無之勢也孔子論周之至德自  
太伯文王外不強及其他嗚呼盡之矣 遵后  
稷公劉之業則古公公季之法篤仁敬老慈少  
禮下賢者日中不暇食以待士士以此多歸之  
伯夷叔齊在派竹聞西伯善養老盡往歸之太  
顛闕天散宓生鬻子辛甲大夫之徒皆往歸之  
崇侯虎譖西伯於殷紂曰西伯積善累德諸侯  
皆嚮之將不利於帝帝紂乃囚西伯於羑里闕  
天之徒患之乃求有莘氏美女驪戎之文馬有

熊九駟他奇怪物囚殷嬖臣費仲而獻之紂紂  
大說曰此一物足以釋西伯况其多乎乃赦西  
伯賜之弓矢斧鉞使西伯得征伐曰譖西伯者  
崇侯虎也西伯乃獻洛西之地以請紂去炮烙  
之刑紂許之處昏暴之君不得不如此亦是臣  
子至情所謂翼以濟蹇也且救君  
父而又為百姓去一炮烙之刑厥功大矣救君  
父而又為百姓去一炮烙之刑豈可以其出於  
美女文馬而不為功哉齊世家西伯陰行善諸  
謂其本謀出太公尤為得之  
侯皆來決平於是虞芮之人有獄不能決乃如  
周入界耕者皆讓畔民俗皆讓長虞芮之人未

史記 卷四 周本紀



西伯少不得此  
一書樂動

見西伯皆慙相謂曰吾所爭周人所耻何往為  
抵取辱耳遂還俱讓而去諸侯聞之曰西伯蓋  
受命之君明年伐犬戎明年伐密須明年敗者  
德國殷之祖伊聞之懼以告帝紂紂曰不有天命  
乎是何能為明年伐邶明年伐崇侯虎而作豐  
邑自岐下而徙都豐明年西伯崩太子發立是  
為武王西伯蓋即位五十年其囚羑里蓋益易  
之八卦為六十四卦詩人道西伯蓋受命之年  
稱王而斷虞芮之訟後十年而崩謚為文王

法度制正朔矣追尊古公為太王公季為王季  
蓋王瑞自太王興武王即位太公望為師周公  
旦為輔召公畢公之徒左右王師修文王緒業  
九年武王上祭于畢東觀兵至于盟津為文王  
木主載以車中軍武王自稱太子發言奉文王  
以伐不敢自專乃告司馬司徒司空諸節齊粟  
信哉予無知以先祖有德臣小子受先功畢立  
賞罰以定其功遂興師師尚父號曰總爾眾庶  
與爾舟楫後至者斬武王渡河中流白魚躍入

史記  
卷四  
周本紀  
五



王舟中武王俯取以祭既渡有火自上復于下  
至于王屋流爲烏其色赤其聲魄云是時諸侯  
不期而會盟津者八百諸侯諸侯皆曰紂可伐  
矣武王曰女未知天命未可也乃選師歸居二  
年聞紂昏亂暴虐滋甚殺王子比干囚箕子太  
師疵少師彊抱其樂器而犇周於是武王徧告  
諸侯曰殷有重罪不可以不畢伐乃遵文王遂  
率戎車三百乘虎賁三千人甲士四萬五千人  
以東伐紂十一年十二月戊午師畢渡盟津諸

侯咸會曰孳孳無怠武王乃作太誓告于衆庶  
今殷王紂乃用其婦人之言自絕于天毀壞其  
三正離邊其王父母弟乃斷弃其先祖之樂乃  
爲淫聲用變亂正聲怡說婦人故今予發維共  
行天罰勉哉夫子不可再不可三二月甲子昧  
爽武王朝至于商郊牧野乃誓武王左杖黃鉞  
右秉白旄以麾曰達矣西土之人武王曰嗟我  
有國家君司徒司馬司空亞旅師氏千夫長百  
夫長及庸蜀羌髡微纘彭濮人稱爾戈比爾干



王舟中武王俯取以祭既渡有火自上復于下  
至于王屋流爲鳥其色赤其聲魄云是時諸侯  
不期而會盟津者八百諸侯諸侯皆曰紂可伐  
矣武王曰女未知天命未可也乃還師歸居二  
年聞紂昏亂暴虐滋甚殺王子比干囚箕子太  
師疵少師彊抱其樂器而奔周於是武王徧告  
諸侯曰殷有重罪不可以不畢伐乃遵文王遂  
率戎車三百乘虎賁三千人甲士四萬五千人  
以東伐紂十一年十二月戊午師畢渡盟津諸

侯咸會曰孽孽無忌武王乃作太誓告于衆庶  
今殷王紂乃用其婦人之言自絕于天毀壞其  
三正離邊其王父母弟乃斷弃其先祖之樂乃  
爲淫聲用變亂正聲怡說婦人故今予發維共  
行天罰勉哉夫子不可再不可三二月甲子昧  
爽武王朝至于商郊牧野乃誓武王左杖黃鉞  
右秉白旄以麾曰逵矣西土之人武王曰嗟我  
有國家君司徒司馬司空亞旅師氏千夫長百  
夫長及庸蜀羌髡微纘彭濮人稱爾戈比爾干



立爾予其誓。王曰：古人有言，牝雞無晨，牝雞之晨，懼家之索。今殷王紂，維婦人言，是用自弃其先祖，肆祀不答，昏弃其家國，遺其王父母弟，不用乃維，四方之多罪逋逃，是崇是長，是信是使，俾暴虐于百姓，以姦軌于商國。今予發，維共行天之罰。今日之事，不過六步七步，乃止齊焉。夫子勉哉，不過於四伐五伐六伐七伐，乃止齊焉。勉哉夫子，尚桓桓如虎，如貔如離，于商郊，不禦克勳，以役西土。勉哉夫子，爾所不勉，其

予爾身有戮，誓已。諸侯兵會者，車四千乘，陳師牧野。帝紂聞武王來，亦發兵七十萬人距武王。武王使師尚父與百夫致師，以大卒馳。帝紂師紂，師雖衆，皆無戰之心。心欲武王亟入，紂師皆倒兵以戰，以開武王。武王馳之，紂兵皆崩，畔紂。紂走，反入，登于鹿臺之上，蒙衣其珠玉，自燔于火而歿。武王持大白旗，以麾諸侯。諸侯畢拜武王。武王乃揖諸侯，諸侯畢從。武王至商國，商國百姓咸待於郊。於是武王使羣臣告語商百姓。



曰上天降休商人皆再拜稽首武王亦答拜遂  
入至紂處所武王自射之三發而後下車以輕  
劍擊之以黃鉞斬紂頭懸大白之旗已而至紂  
之嬖妾二女二女皆經自殺武王又射三發擊  
以劍斬以玄鉞懸其頭小白之旗武王已乃出  
復軍其明日除道修社及商紂宮及期百夫荷  
罕旗以先驅武王弟叔振鐸奉陳常車周公旦  
把大鉞畢公把小鉞以夾武王散宜生太顛閎  
天皆執劍以衛武王既入立于社南犬卒之左

右畢從毛叔鄭奉明水衛康叔封布茲召公奭  
贊采師尚父牽牲尹佚筮祝曰殷之末孫季紂  
殄廢先王明德侮蔑神祇不祀昏暴商邑百姓  
其章顯聞于天臯上帝於是武王再拜稽首曰  
膺更大命革殷受天明命武王又再拜稽首乃  
出封商紂子祿父殷之餘民武王爲殷初定未  
集乃使其弟管叔鮮蔡叔度相祿父治殷已而  
命召公釋箕子之囚命畢公釋百姓之囚表商  
容之間命南宮括散鹿臺之財發鉅橋之粟以



振貧弱萌隸命南宮括史佚展九鼎保玉命閔  
天封比干之墓命宗祝享祠于軍乃罷兵西歸  
行狩記政事作武成封諸侯班賜宗彛作分殷  
之器物武王追思先聖王乃褒封神農之後於  
焦黃帝之後於祝帝堯之後於顓帝舜之後於  
陳大禹之後於杞於是封功臣謀士而師尚父  
爲首封封尚父於營丘曰齊封弟周公旦於曲  
阜曰魯封召公奭於燕封弟叔鮮於管弟叔度  
於蔡餘各以次受封武王徵九牧之君登酌之

阜以望商邑武王至于周自夜不寐周公旦  
王所曰曷爲不寐王曰告女維天不饗殷自發  
未生於今六十年麋鹿在牧蜚鴻滿野天不享  
殷乃今有成維天建殷其登名民三百六十夫  
不顯亦不賓滅以至今我未定天保何暇寐王  
曰定天保依天室悉求夫惡貶從殷王受日夜  
勞來我西土我維顯服及德方明自洛汭延于  
伊納居易毋固其有夏之居我南望三途北望  
嶽鄙顧瞻有河粵詹維伊毋遠天室營周居于



維也而後去，縱馬於華山之陽，放牛於桃林之  
虛，餼于戈，振兵釋旅，示天下不復用也。武王已  
克殷後二年，問箕子殷所以亡，箕子不忍言殷  
惡，以存亡國言告武王，亦醜。故問以天道。武王  
病，天下未集，羣公懼，穆卜，周公乃被齋，自爲質，  
欲代武王。武王有瘳，後而崩，太子誦代立，是爲  
成王。成王少，周公初定天下，周公恐諸侯畔，周公  
乃攝行政，當國，管叔、蔡叔、羣弟疑周公，與武庚  
作亂畔周，周公奉成王命，代誅武庚，管叔放，蔡

以微子開代殷後，國於宋，頗收殷餘民，以封  
武王少弟，封爲衛。康叔，晉唐叔，得嘉穀，獻之成  
王。成王以歸，周公于兵所，周公受禾，東土。魯天  
子之命，初管蔡畔周，周公討之，三年而畢定，故  
初作大誥，次作微子之命，次歸禾，次嘉禾，次康  
誥，酒誥，梓材，其事在周公之篇。周公行政七年，  
成王長，周公反政。成王其而就羣臣之位。成王  
在豐，使召公復營洛邑，如武王之意。周公復卜，  
申視，卒營築，居九鼎焉。曰：此天下之中，四方入



貢道里均作召誥洛誥成王既遷殷遺民周公  
以王命告作多士無佚召公爲保周公爲師東  
伐淮夷殘奄遷其君薄姑成王自奄歸在宗周  
作多方既緡殷命襲淮夷歸在豐作周官典正  
禮樂度制於是改而民和睦頌聲興成王既伐  
東夷息慎來賀王賜榮伯作賄息慎之命成王  
將崩懼太子釗之不任乃命召公畢公率諸侯  
以相太子而立之成王既崩二公率諸侯以太  
子釗見於先王廟申告以文王武王之辭以爲

王業之不易務在節儉毋多欲以篤信臨之作

顧命太子釗遂立是爲康王康王卽位徧告諸

侯宣告以文武之業以申之此亦不易言作康誥故成康之

際天下安寧刑錯四十餘年不用康王命作策

畢公分居里成周郊作畢命康王卒子昭王瑕

立昭王之時王道微缺昭王南巡狩不返卒于

江上其卒不赴告諱之也古昭王子滿是爲穆

王穆王卽位春秋已五十矣王道衰微穆王閱

文武之道缺乃命伯冏申誡太僕圖之政作冏

史記



命復寧穆王將征犬戎祭公謀父諫曰不可先  
王耀德不觀兵夫兵戢而時動動則威觀則玩  
玩則無虞是故周文公之頌曰載戢干戈載櫜  
弓矢我求懿德肆于時夏允王保之先王之於  
民也茂正其德而厚其性阜其財求而利其器  
用明利害之變以文修之使之務利而辟害懷  
德而畏威故能保世以滋大晉我先王世后稷  
以服事虞夏及夏之衰也棄稷不務我先王不  
窳用失其官而自窳於戎狄之間不敢怠業時

序其德遵修其緒修其訓典朝夕恪勤守以敦  
篤奉以忠信奕世載德不忝前人至于文王武  
王昭前之光明而加之以慈和事神保民無不  
欣喜商王帝辛大惡于民庶民不忍訴戴武王  
以致戎于商牧是故先王非務武也勤恤民隱  
而除其害也夫先王之制邦內甸服邦外侯服  
侯衛賓服夷蠻要服我翟蕞服甸服者祭侯服  
者祀賓服者享要服者貢荒服者王日祭月祀  
時享歲貢終王先王之順祀也有不祭則修意



有不祀則修言有不稟則修文有不貢則修名  
有不王則修德序成而有不至則修刑於是有  
刑不祭伐不祀征不稟讓不貢告不王於是  
有刑罰之辟有攻伐之兵有征討之備有威讓之  
命有文告之辭布令陳辭而有不至則增修於  
德無勤民於遠是以近無不聽遠無不服今自  
大畢伯士之終也犬戎氏以其職察王天子曰  
予必以不享征之且觀之兵無乃廢先王之訓  
而王幾頓乎五聞犬戎樹敦率舊德而守終純

王之字一本作於土

固其有以禦我矣王遂征之得四白狼四白鹿  
以歸自是荒服者不至諸侯有不睦者甫侯言  
於王作修刑辟王曰吁來有國有王告汝祥刑  
在今爾安百姓何擇非其人何敬非其刑何居  
非其宐與爾造具備師聽五辭五辭簡信正於  
五刑五刑不簡正於五罰五罰不服正於五過  
五過之疵官獄內獄闔實其罪惟鈞其過五刑  
之疑有赦五罰之疑有赦其審克之簡信有衆  
惟訊有稽無簡不疑其嚴天威黥辟疑赦其罰



百率、閔實其罪、劓辟疑赦、其罰倍灑、閔實其罪、  
贖辟疑赦、其罰倍差、閔實其罪、宮辟疑赦、其罰  
五百、率、閔實其罪、大辟疑赦、其罰千、率、閔實其  
罪、墨罰之屬千、劓罰之屬千、贖罰之屬五百、宮  
罰之屬三百、大辟之罰、其屬二百、五刑之屬三  
千、命曰甫刑、穆王立五十五年崩、子共王絜扈  
立、其王游於涇上、密康公從、有三女、犇之、其母  
曰、必致之王、夫獸三爲羣、人三爲衆、女三爲粲、  
王田不取羣、公行不下衆、王御不三一族、大粲

美之物也、衆以美物歸女、而何德以堪之、王猶  
不堪、况爾之小醜乎、小醜備物、終必亡、康公不  
獻、一年、共王滅密、共王崩、子懿王躋立、懿王之  
時、王室遂衰、詩人作刺、懿王崩、共王弟辟方立、  
是爲孝王、孝王崩、諸侯復立懿王太子燮、是爲  
夷王、夷王崩、子厲王胡立、厲王即位三十年、好  
利、近榮夷公、大夫芮良夫諫厲王曰、王室其將  
卑乎、夫榮公好專利而不知大難、夫利、百物之  
所生也、天地之所載也、而有專之、其害多矣、天



地百物皆將取焉何可專也所怒甚多而不備  
大難以是教王王其能久乎夫王人者將導利  
而布之上下者也使神人百物無不得極猶曰  
休惕懼怨之來也故頌曰思文后稷克配彼天  
立我烝民莫匪爾極大雅曰陳錫載周是不布  
利而懼難乎故能載周以至于今今王學專利  
其可乎匹夫專利猶謂之盜王而行之其歸鮮  
矣榮公若用周必敗也厲王不聽卒以榮公爲  
卿士用事王行暴虐侈傲國人謗王召公諫曰

民不堪命矣王怒得衛巫使監謗者以告則殺  
之其謗鮮矣諸侯不朝三十四年王益嚴國人  
莫敢言道路以目厲王喜告召公曰吾能弭謗  
矣乃不敢言召公曰是郭之也防民之口甚於  
防水水壅而潰傷人必多民亦如之是故爲水  
者決之使導爲民者宣之使言故天子聽政使  
公卿至於列士獻詩瞽獻典史獻書師箴瞽賦  
矇誦百工諫庶人傳語近臣盡規親戚補察瞽  
史教誨耆艾修之而後王斟酌焉是以事行而



不悖民之有口也。猶土之有山川也。財用於是乎出。猶其有原隰衍沃也。衣食於是乎生。口之宣言也。善敗於是乎興。行善而備敗。所以產財用衣食者也。夫民慮之於心。而宣之於口。成而行之。若壅其口。其與能幾何。王不聽。於是國莫敢出言。三年。乃相與畔。襲厲王。厲王出奔於彘。厲王太子靜匿召公之家。國人聞之。乃圍之。召公曰。昔吾驟諫王。王不從。以及此難也。今殺王太子。王其以我爲讐。而懟怒乎。夫事君者。險而不

讐。懟怨而不怒。况事王乎。乃以其子代王。太子。太子竟得脫。召公周公二相行政。號曰共和。共和十四年。厲王歿于彘。太子靜長於召公家。二相乃共立之爲王。是爲宣王。宣王即位。二相輔之。修政。法文武成康之遺風。諸侯復宗。周十三年。魯武公來朝。宣王不修籍於千畝。號文公。諫曰。不可。王弗聽。二十九年。戰于千畝。王師敗績于姜氏之戎。宣王旣亡南國之師。乃料民於太原。仲山甫諫曰。民不可料也。宣王不聽。卒料



民四十六年宣王崩于幽王宮，立幽王二年。西周三川皆震，伯陽甫曰：周將亡矣。夫天地之氣不失其序，若過其序，民亂之也。陽伏而不能出，陰迫而不能蒸，於是乎地震。今三川實震，是陽失其所而墮陰也。陽失而在陰，原必塞，原塞國必亡。夫水土演而民用也，土無所演，民乏財用，不亡何待？晉伊洛竭而夏亡，河竭而商亡。今周德若三代之季矣，其川原又塞，塞必竭，夫國必依山川，山崩川竭，亡國之徵也。川竭必山崩。

二

若國亡，不過十年，數之紀也。天之所弃，不過其紀，是歲也。三川竭，岐山崩，三年，幽王嬖愛褒姒，褒姒生子伯服，幽王欲廢太子，太子母申侯女而爲后，後幽王得褒姒，愛之，欲廢申后，并去太子。宜曰：以褒姒爲后，以伯服爲太子。周太史伯博學，一一，紫。陽讀史記曰：周亡矣。晉自夏后氏之衰也，有二神龍止於夏帝庭，而言曰：余褒之二君，夏帝卜殺之，與去之，與止之，莫吉。卜請其鬻而藏之，乃吉。於是布幣而策告之，龍亡而鬻在，櫝而去之。

此古近臣



文法

夏亡傳此器殷殷亡又傳此器周比三代莫敢發之至厲王之末發而觀之漿流于庭不可除厲王使婦人裸而譟之漿化為玄黿以入王後宮後宮之童妾既亂而遭之既笄而孕無夫而生子懼而弃之宣王之時童女謠曰檠弧箕服實亡周國於是宣王聞之有夫婦賣是器者宣王使執而戮之逃於道而見鄉者後宮童妾所弃妖子出於路者聞其夜啼哀而收之夫婦遂亡葬于褒褒人有罪請入童妾所弃女子者於

王以贖罪弃女子出於褒是為褒姒當幽王三年王之後宮見而愛之生子伯服竟廢申后及太子以褒姒為后伯服為太子太史伯陽曰禍成矣無可奈何褒姒不好笑幽王欲其笑萬方故不笑幽王為燧燧大鼓有寇至則舉燧火諸侯悉至至而無寇褒姒乃大笑幽王說之為數舉燧火其後不信諸侯益亦不至幽王以虢石父為卿用事國人皆怨石父為人佞巧善諛好利王用之又廢申后去太子也申侯怒與繒西

此亦何生笑良是風華

史記 周本紀



夷犬戎攻幽王，幽王舉燧火徵兵，兵莫至，遂殺幽王驪山下，虜褒姒，盡取周賂而去。於是諸侯乃即申侯而共立故幽王太子宜臼，是爲平王。以奉周祀。平王立，東遷于維維，色辟戎寇。平王之時，周室衰微，諸侯相相并弱，齊楚秦晉始大，政由方伯。四十九年，魯隱公即位。五十一年，平王崩，太子洩父蚤歿，立其子林，是爲桓王。桓王，平王孫也。桓王三年，鄭莊公朝，桓王不禮。五年，鄭怨與魯易許田，許田，天子之用事太山田也。八年，

魯殺隱公，立桓公。十三年，伐鄭，鄭射傷桓王。桓王去歸。二十三年，桓王崩，子莊王佗立。莊王四年，周公黑肩欲殺莊王而立王子克，辛伯告王，王殺周公。王子克奔燕。十五年，莊王崩，子釐王胡齊立。釐王三年，齊桓公始霸。五年，釐王崩，子惠王闕立。惠王二年，初，莊王嬖姬姚，生子頹，頹有寵。及惠王即位，奪其大臣，罔以爲固。故大夫邊伯等五人作亂，謀召燕衛師伐惠王。惠王奔溫，已居鄭之櫟，立釐王弟頹爲王。樂及徧舞，鄭



號君怒四年鄭與彌君伐殺王頹復入惠王惠  
王十年賜齊桓公爲伯二十五年惠王崩子襄  
王鄭立襄王母蚤歿後母曰惠后惠后生叔帶  
有寵於惠王襄王畏之三年叔帶與戎翟謀伐  
襄王襄王欲誅叔帶叔帶奔齊齊桓公使管仲  
平戎于周使隰朋平戎于魯王以上卿禮管仲  
管仲辭曰臣賤有司也有天子之二守國高在  
若節春秋來承王命何以禮焉陪臣敢辭王曰  
舅氏余嘉乃勲毋逆朕命管仲卒受下卿之禮

而還九年齊桓公卒十二年叔帶復歸于周十  
三年鄭伐滑王使游孫伯服請滑鄭人囚之鄭  
文公怨惠王之入不與厲公爵又怨襄王之與  
衛滑故囚伯服王怒將以翟伐鄭富辰諫曰凡  
我周之東徙晉鄭焉依子頹之亂又鄭之由定  
今以小怨奔之王不聽十五年王降翟師以伐  
鄭王德翟人將以其女爲后富辰諫曰平桓莊  
惠皆受鄭勞王奔親親翟不可從王不聽十六  
年王絀翟后翟人來誅殺譚伯富辰曰吾數諫



不從。如是不出，王以我爲懟，飛乃以其屬歿之。初，惠后欲立王子帶，故以黨開翟人。翟人遂入周，襄王出奔鄭，鄭居王于汜。子帶立爲王，取襄王所繻翟后，與居溫。十七年，襄王告急于晉，晉文公納王而誅叔帶。襄王乃賜晉文公珪、璽、弓矢爲信，以河內地與晉。二十年，晉文公召襄王，襄王會之河陽。踐土諸侯畢朝，書諱曰：天王狩于河陽。二十四年，晉文公卒。三十一年，秦穆公卒。三十二年，襄王崩，子頃王壬臣立。頃王六年

崩，子匡王班立。匡王六年崩，弟瑜立，是爲定王。定王元年，楚莊王伐陸渾之戎，次洛，使人問九鼎。王使王孫滿應，設以辭，楚兵乃去。十年，楚莊王圍鄭，鄭伯降，已而復之。十六年，楚莊王卒，二十一年，定王崩，子簡王夷立。簡王十三年，晉殺其君厲公，迎子周於周，立爲悼公。十四年，簡王崩，子靈王泄心立。靈王二十四年，齊崔杼弑其君莊公。二十七年，靈王崩，子景王貴立。景王十八年，后太子聖而蚤卒。二十年，景王愛子朝，欲



立之會崩，子丐之黨與爭立，國人立長子猛爲王。子朝攻殺猛，猛爲悼王。晉人攻子朝而立丐，是爲敬王。敬王元年，晉人入敬王，子朝自立。敬王不得入，居澤。四年，晉率諸侯入敬王于周，子朝爲臣。諸侯城周。十六年，子朝之徒復作亂，敬王奔于晉。十七年，晉定公遂入敬王于周。三十年，齊田常殺其君簡公。四十一年，楚滅陳。孔子卒。四十二年，敬王崩，子元王仁立。元王八年崩，子定王介立。定王十六年，三晉滅智伯，分有

其地。二十八年，定王崩，長子去疾立，是爲哀王。哀王立三月，弟叔襲殺哀王而自立，是爲思王。思王立五月，少弟嵬攻殺思王而自立，是爲考王。此三王皆定王之子。考王十五年崩，子威烈王午立。考王封其弟于河南，是爲桓公，以續周公之官職。桓公卒，子威公代立。威公卒，子惠公代立，乃封其少子於鞏，以奉王號。東周惠公威烈王二十三年，九鼎震，命韓魏趙爲諸侯。二十四年崩，子安王驕立，是歲盜殺楚聲王。安王立



二十六六年崩子烈王喜立烈王二年周太史儋見秦獻公曰始周與秦國合而別別五百載復合合十七歲而霸王者出焉十年烈王崩弟扁立是爲顯王顯王五年賀秦獻公獻公稱伯九年致文武胙於秦孝公二十五年秦會諸侯於周二十六年周致伯於秦孝公三十三年賀秦惠王三十五年致文武胙於秦惠王四十四年秦惠王稱王其後諸侯皆爲王四十八年顯王崩子慎靚王定立慎靚王立六年崩子赧王延

立王赧時東西周分治王赧徙都西周西周武公之共太子死有五庶子母適立司馬翦謂楚王曰不如以地資公子咎爲請太子左成曰不可周不聽是公之知困而交䟽於周也不如請周君孰欲立以微告翦翦請令楚賀之以地果立公子咎爲太子八年秦攻宓陽楚救之而楚以周爲秦故將伐之蘇代爲周說楚王曰何以周爲秦之禍也言周之爲秦甚於楚者欲令周入秦也故謂周秦也周知其不可解必入於秦



此爲秦取周之精者也。爲王計者，周於秦，因善之，不於秦，亦言善之，以疏之於秦。周絕於秦，必入於郢矣。秦借道兩周之間，將以伐韓，周恐借之畏於韓，不借畏於秦。史厭謂周君曰：「何不令人謂韓公叔曰：『秦之敢絕周而伐韓者，信東周也。』公何不與周地，發質使之楚？秦必疑楚，不信周，是韓不伐也。』又謂秦曰：『韓彊與周地，將以疑周於秦也。』周不敢不受，秦必無辭而令周不受，是受地於韓而聽於秦。秦召西周君，西周君惡

往，故令人謂韓王曰：『秦召西周君，將以使攻王之南陽也。王何不出兵於南陽？周君將以爲辭於秦，周君不入秦，秦必不敢踰河而攻南陽矣。』東周與西周戰，韓救西周，或爲東周說韓王曰：『西周故天子之國，多名器重寶，王案兵毋出，可以德東周，而西周之寶必可以盡矣。』王報謂成君，楚圍雍氏，韓徵甲與粟於東周，東周君恐，召蘇代而告之。代曰：『君何患於是？臣能使韓毋徵甲與粟於周，又能爲君得高都。』周君曰：『子苟能



請以國聽子。代見韓相國曰：楚圍雍氏，期三月也。今五月不能拔，是楚病也。韓相國曰：善。使者已行矣。粟於周，是告楚病也。韓相國曰：善。使者已行矣。代曰：何不與周？高都，韓相國大怒曰：吾毋徵甲與粟於周，亦已多矣。何故與周？高都也。代曰：與周，高都是周折而入於韓也。秦聞之，必大怒。忿周，即不通周使。是以弊高都得完周也。曷爲不與？相國曰：善。果與周。高都三十四年，蘇厲謂周君曰：秦破韓魏，拔師武，非取趙、蘭、離石者，皆曰

起也。是善用兵。又有天命。今又將兵出塞攻梁。梁破，則周危矣。君何不令人說白起乎？曰：楚有養由基者，善射者也。去柳葉百步而射之，百發而百中之。左右觀者數千人，皆曰：善射。有一夫立其旁，曰：善，可教射矣。養由基怒，釋弓搯劍曰：客安能教我射乎？客曰：非吾能教子，支左、誦右也。夫去柳葉百步而射之，百發而百中之，不以善息少焉。氣衰力倦，弓撥矢鉤，一發不中者，百發盡息。今破韓魏，拔師武，非取趙、蘭、離石者，公



之功多矣。今又將兵出塞，過兩周，倍韓攻梁，一舉不得，前功盡棄。公不如稱病而無出。四十二年，秦破華陽約，馬犯謂周君曰：「請令梁城周，乃謂梁王曰：『周王病，若歿，則犯必死矣。』」犯請以九鼎自入於王，王受九鼎而圖犯。梁王曰：「善。」遂與之卒，言戍周，因謂秦王曰：「梁非戍周也，將伐周也。」王試出兵境以觀之，秦果出兵。又謂梁王曰：「周王病甚矣，犯請後可而復之。今王使卒之周，諸侯皆生心，後舉事且不信，不若令卒爲周城。」

以匿事端。梁王曰：「善。」遂使城周。四十五年，周君之秦，客謂周最曰：「公不若譽秦王之孝，因以應爲太后養地。秦王必喜，是公有秦交。交善，周君必以爲公功。交惡，勸周君入秦者，必有罪矣。秦攻周，而周最謂秦王曰：『爲王計者，不攻周。』攻周實不足以利，聲畏天下，天下以聲畏秦，必東合於齊。兵弊於周，合天下於齊，則秦不王矣。天下欲弊秦，勸王攻周，秦與天下弊，則令不行矣。五十八年，三晉距秦，周令其相國之秦，以秦之輕



也。還其行，客謂相國曰：秦之輕重，未可知也。秦欲知三國之情，公不如急見秦王曰：請爲王聽東方之變。秦王必重公。重公是秦重周，周以取秦也。齊重則固有周聚以收齊，是周常不失重國之交也。秦信周，發兵攻三晉。五十九年，秦取韓陽城，負秦。西周恐，倍秦，與諸侯約從。將天下銳師出伊闕攻秦，令秦無得通陽城。秦昭王怒，使將軍摎攻西周。西周君奔秦，頓首受罪，盡獻其邑三十六，口三萬。秦受其獻，歸其君於周。周

君王赧卒，周民遂東亡。秦取九鼎寶器，而遷西周公於囂狐。後七歲，秦莊襄王滅東西周，東西周皆入于秦。周既不祀。

太史公曰：學者皆稱周伐紂，居洛邑，綜其實不然。武王營之，成王使召公卜居，居九鼎焉。而周復都豐鎬，至犬戎敗幽王，周乃東徙于洛邑。所謂周公葬我畢，畢在鎬東南社中。秦滅周，漢興九十有餘載，天子將封太山東巡狩，至河南，求周苗裔，封其後嘉三十里地，號曰周子南君。比



史記卷五  
列侯以奉其先祭祀

史記卷第五

秦本紀第五

楚 鍾惺 批評

秦之先帝顓頊之苗裔孫曰女修女修織玄鳥  
隕卵女修吞之生子大業大業取少典之子曰  
女華女華生大費與禹平水土已成帝錫玄圭  
禹受曰非予能成亦大費爲輔帝舜曰咨爾費  
贊禹功其賜爾阜游爾後嗣將大出乃妻之姚  
姓之玉女大費拜受佐舜調馴鳥獸鳥獸多馴



服是為柏翳，舜賜姓羸氏。大費生子二人，一曰大廉，實鳥俗氏；二曰若木，實費氏。其玄孫曰費昌，子孫或在中國，或在夷狄。費昌當夏桀之時，去夏歸商，為湯御，以敗桀於鳴條。大廉玄孫曰孟戲，中衍，鳥身人言。帝太戊聞而卜之，使御。吉，遂致使御而妻之。自太戊以下，中衍之後，遂世有功，以佐殷國，故羸姓多顯，遂為諸侯。其玄孫曰中滿，在西戎，保西垂，生蜚廉。蜚廉生惡來，惡來有力，蜚廉善走，父子俱以材力事殷紂。周武

王之伐紂，并殺惡來。是時蜚廉為紂石石之字用石北方還

無所報為壇霍太山而報得石棺銘曰帝令處

父不與殷亂賜爾石棺以華氏歿遂葬于霍太

山蜚廉復有子曰季勝季勝生孟增孟增幸於

周成王是為宅皐狼皐狼生衡父衡父生造父

造父以善御幸於周繆王得驥溫驪驂騄耳

之駟西巡狩樂而忘歸徐偃王作亂造父為繆

王御長驅歸周一日千里以救亂繆王以趙城

封造父造父族由此為趙氏自蜚廉生季勝以

史記 卷五 秦本紀 大來堂



下五世至造父，別居趙。趙衰，其後也。惡來，革者。蜚廉子也。蚤歿，有子曰女防。女防生旁皐，旁皐生太几。太几生大駱，大駱生非子，以造父之寵，皆蒙趙城，姓趙氏。非子居犬丘，好馬及畜，善養息之。犬丘人言之周孝王，孝王召使主馬于汧渭之間。馬大蕃息，孝王欲以為大駱適嗣。申侯之女為大駱妻，生子成，為適。申侯乃言孝王曰：「晉我先鄆山之女為戎胥軒妻，生中湍，以親故歸周，保西垂。西垂以其故和睦，今我復與大駱

生適子成，申駱重婚。西戎皆服，所以為王。王其圖之。於是孝王曰：「晉伯翳為舜主畜，畜多息，故有土，賜姓嬴。今其後世亦為朕息馬，朕其分土為附庸。邑之。」秦使復續嬴氏祀，號曰秦嬴。亦不廢申侯之女子為駱適者，以和。西戎秦嬴生

秦字始見於此

秦侯。秦侯立十年，辛，生公伯。公伯立三年，辛，生秦仲。秦仲立三年，周厲王無道，諸侯或叛之。西戎反，王室滅犬丘大駱之族。周宣王即位，乃以秦仲為大夫，誅西戎，西戎殺秦仲。秦仲立二十



世父亦是好  
子讓弟尤是難  
事

三年、成於戎有子五人、其長者曰莊公、周宣王  
乃召莊公昆弟五人、與兵七千人、使伐西戎、破  
之、於是復予秦仲後及其先大夫駱地、秦之始合犬丘、并有  
之、為西垂大夫、莊公居其故西犬丘、生子三人、  
其長男世父、世父曰、戎殺我大夫仲、我非殺戎  
王、則不敢入邑、遂將擊戎、讓其弟襄公、襄公為  
太子、莊公立四十四年卒、太子襄公代立、襄公  
元年、以女弟繆嬴為豐王妻、襄公二年、戎圍犬  
丘、世父、世父擊之、為戎人所虜、歲餘、復歸世父、

七年春、周幽王用褒姒、廢太子、立褒姒子為適、  
數欺諸侯、諸侯叛之、西戎犬戎與申侯伐周、殺  
幽王、酈山下、而秦襄公將兵救周、戰甚力、有功、  
周避犬戎難、東徙、錯維錯邕、襄公以兵送周平王、平  
王封襄公為諸侯、賜之岐以西之地、豈有豐鎬  
重地為賞  
功之具者、如一小物、知已不能、有而擲、以與  
人、真同兒戲、秦滅周、有天下、平王實資之、  
曰、我無道、侵奪我岐豐之地、秦能攻逐我、即有其  
地、與誓封爵之、襄公於是始國、與諸侯通使聘  
享之禮、乃用駟駒黃牛、羝羊各三、祠上帝西畷、

漢以後、秦本紀



十二年伐戎而至岐卒生文公文公元年居西  
垂宮三年文公以兵七百人東獵四年至汧渭  
之會曰昔周邑我先秦嬴於此後卒獲為諸侯  
乃卜居之占曰吉即營邑之十年初為酈時用  
三年十三年初有史以紀事民多化者十六年  
文公以兵伐戎戎敗走於是文公遂收周餘民  
有之地至岐岐以東獻之周十九年得陳寶二  
十年法初有三族之罪二十七年伐南山大梓  
豐大特四十八年文公太子卒賜謚為靜公靜

公之長子為太子是文公孫也五十年文公卒  
葬西山靜公子立是為寧公寧公二年公徙居  
平陽遣兵伐蕩社三年與亳戰亳王奔戎遂滅  
蕩社四年魯公子翬弒其君隱公十二年伐蕩  
氏取之寧公生十歲立立十二年卒葬西山生  
子三人長男武公為太子武公弟德公同母魯  
姬子生出子寧公卒大庶長弗忌威壘三父廢  
太子而立出子為君出子六年三父等復其令  
人賊殺出子出子生五歲立立六年卒三父等



乃復立故太子武公武公元年伐彭戲氏至于  
華山下居平陽封宮三年誅三父等而夷三族  
以其殺出子也魯昭牛為叔孫氏殺二子立昭  
子然討魯牛者即昭子也三父  
為秦殺出子而立武公然討三父者即武公也  
使二人相作賊臣巧其者言賊出於他人便尋  
常矣比報報之尋常者不  
足以警而憚之入人也鄭高渠昧殺其君昭  
公十年伐邾蕞戎初縣之十一年初縣杜鄭滅  
小虢十三年齊人管至父連稱等殺其君襄公  
而立公孫無知晉滅霍魏耿齊雍廩殺無知管  
至父等而立齊桓公齊晉為疆國十九年晉曲

德公三子章  
法整而變

沃始為晉侯齊桓公伯於鄆二十年武公卒葬  
雍平陽初以人從死從死者六十六人有子一  
人名曰白白不立封平陽立其弟德公德公元  
年初居雍城大鄭宮以犧三百牢祠廊味卜居  
雍後子孫飲馬於河梁伯芮伯來朝二年初伏  
以狗禦蠱德公生三十三歲而立立二年卒生  
子三人長子宣公中子成公少子穆公長子宣  
公立宣公元年衛燕伐周出惠王立王子頹三  
年鄭伯虢叔殺子頹而入惠王四年作密時與

史記  
卷五  
秦本紀



晉戰河陽勝之十二年宣公卒生子九人莫立  
立其弟成公成公元年梁伯芮伯來朝齊桓公  
伐山戎次于孤竹成公立四年卒子七人莫立  
立其弟繆公繆公任好元年自將伐茅津勝之  
四年迎婦於晉晉太子申生姊也其歲齊桓公  
伐楚至郟陵五年晉獻公滅虞虢虞君與其  
大夫百里奚以璧馬賂於虞故也既虜百里奚  
以爲秦繆公夫人媵於秦百里奚亡秦走宛楚  
鄙人執之繆公聞百里奚賢欲重贖之恐楚人

魏徐公得百里奚由余愛惜人材委曲周至費多少苦心參少妙用不厭其

不與乃使人謂楚曰吾媵臣百里奚在焉請以五羖羊皮贖之楚人遂許與之當是時百里奚年已七十餘繆公釋其囚與語國事謝曰臣亡

國之臣何足問繆公曰虞君不用子故亡非子罪也固問語三日繆公大說授之國政號曰五羖大夫百里奚讓曰臣不及臣友蹇叔蹇叔賢而世莫知臣常游困於齊而乞食僅人蹇叔收臣臣因而欲事齊君無知蹇叔止臣臣得脫齊難遂之周周王子頹好牛臣以養牛干之及頹

史記卷五十一秦本紀



欲用臣、蹇叔止臣、臣去得不誅事、虞君蹇叔止  
真、人、真、而、人、不、月、也、  
臣、臣知虞君不用臣、臣誠私利祿爵、且留、再用  
其言得脫、一不用及虞君難、是以知其賢、於是

穆公使人厚幣迎蹇叔、以為上大夫、  
百里、侯、論、蹇叔之賢

昔從識上看出可謂觀其大者、觀侯與蹇叔  
交步步看其為人為他日共事之地、薦蹇叔於

穆公所謂以人事若然非平日無  
心中繫著心目臨時安能應手秋、繆公自將

伐晉、戰於河曲、晉驪姬作亂、太子申生歿、新城

重耳夷吾出奔、九年、齊桓公會諸侯於葵丘、晉

獻公卒、立驪姬子奚齊、其臣里克殺奚齊、荀息

立卓子克、又殺卓子及荀息、夷吾使人請秦求  
入晉、於是繆公許之、使百里奚將兵送夷吾、夷

吾謂曰、誠得立、請割晉之河西八城與秦、及至

已立、而使丕鄭謝秦、昔約不與河西城、而殺里

克、丕鄭聞之、恐、因與繆公謀曰、晉人不欲夷吾

實欲重耳、今昔秦約而殺里克、皆呂甥卻芮之

計也、願君以利急召呂卻、呂卻至、則更入重耳

便、繆公許之、使人與丕鄭歸、召呂卻、呂卻等疑

丕鄭有間、乃言夷吾殺丕鄭、丕鄭子丕豹奔秦

秦本紀

史記



妙論妙理然不  
聽而陰用豹  
公於此又別有  
機權

子豹阻權在父  
等也論射何為  
若晉臣不如秦  
廷矣

說繆公曰晉君無道百姓不親可伐也繆公曰  
○其○妙○在○從○不○好○處○看○出○好○處○  
百姓苟不便何故能誅其大臣能誅其大臣此  
○尤○妙○  
其調也不聽而陰用豹十二年齊管仲隰朋死  
晉景來請粟不豹說繆公勿與因其飢而伐之  
繆公問公孫支支曰飢饉更事耳不可不與問  
百里傒傒曰夷吾得罪於君其百姓何罪於是  
用百里傒公孫支言卒與之粟以船漕車轉自  
雍相望至絳十四年秦飢請粟於晉晉君謀之  
羣臣號射曰因其飢伐之可有大功晉君從之

十五年興兵將攻秦繆公發兵使丕豹將白往  
擊之九月壬戌與晉惠公夷吾合戰於韓地晉  
君弃其軍與秦爭利還而馬驚繆公與麾下馳  
追之不能得晉君反為晉軍所圍晉擊繆公繆  
○笑○生○放○  
公傷於是岐下食善馬者三百人馳冒晉軍晉  
軍解圍遂脫繆公而反生得晉君初繆公亡善  
馬岐下野人共得而食之者三百餘人吏遂得  
欲法之繆公曰君子不以畜產害人吾聞食善  
○帶○戲○妙  
馬肉不飲酒傷人乃皆賜酒而赦之三百人者



聞秦擊晉皆求從從而見繆公窘亦皆推鋒爭  
歿以報食馬之德於是繆公虜晉君以歸令於  
國齋宿吾將以晉君祠上帝周天子聞之曰晉  
我同姓爲請晉君夷吾姊亦爲繆公夫人夫人  
聞之乃衰絰跣曰妾兄弟不能相救以辱君命  
繆公曰我得晉君以爲功今天子爲請夫人是  
憂乃與晉君盟許歸之更舍上舍而饋之七牢  
十一月歸晉君夷吾夷吾獻其河西地使太子  
圉爲質於秦秦妻子圉以宗女是時秦地東至

河十八年齊桓公卒二十年秦滅梁芮二十二  
年晉公子圉聞晉君病曰梁我母家也而秦滅  
之我兄弟多即君百歲後秦必留我而晉輕亦  
更立他子子圉乃亡歸晉二十三年晉惠公卒  
子圉立爲君秦怨圉亡去乃迎晉公子重耳於  
楚而妻以故子圉妻重耳初謝後乃受繆公益  
禮厚遇之二十四年春秦使人告晉大臣欲入  
重耳晉許之於是使人送重耳二月重耳立爲  
晉君是爲文公文公使人殺子圉子圉是爲懷



公其秋周襄王弟帶以翟伐王王出居鄭二十五年周王使人告難於晉秦秦繆公將兵助晉文公入襄王殺王弟帶二十八年晉文公敗楚於城濮三十年繆公助晉文公圍鄭鄭使人言繆公曰亡鄭厚晉於晉而得矣而秦未有利晉之彊秦之憂也繆公乃罷兵歸晉亦罷三十二年冬晉文公卒鄭人有賣鄭於秦曰我主其城門鄭可襲也繆公聞襄叔百里傒對曰徑數國千里而襲人希有得利者且人賣鄭庸知我國

人不有以我情告鄭者乎不可繆公曰子不知也吾已決矣遂發兵使百里傒子孟明視蹇叔子西乞術及白乙丙將兵行日百里傒蹇叔二人哭之繆公聞怒曰孤發兵而子沮哭吾軍何也二老曰臣非敢沮君軍軍行臣子與往臣老遲還恐不相見故哭耳二老退謂其子曰汝軍即敗必於殺阨矣三十三年春秦兵遂東更晉地過周北門周王孫滿曰秦帥無禮不敗何待兵至滑鄭販賣賈人弦高持十二牛將賣之周



見秦兵恐歿虜因獻其牛曰聞大國將誅鄭鄭君謹修守禦備使臣以牛十二勞軍士秦三將軍相謂曰將襲鄭鄭今已覺之往無及已滅滑滑晉之邊邑也當是時晉文公喪尚未葬太子襄公怒曰秦侮我孤因喪破我湫遂墨衰絰發兵遮秦兵於殽擊之大破秦軍無一人得脫者虜秦三將以歸文公夫人秦女也爲秦三囚將請曰繆公之怨此三人入於骨髓願令此三人歸令我君得自快烹之晉君許之歸秦三將三

將至繆公素服郊迎嚮三人哭曰孤以不用百里侯蹇叔言以辱三子三子何罪乎子其悉心雪耻毋怠遂復三人官秩如故愈益厚之三十四年楚太子商臣弒其父成王代立繆公於是復使孟明視等將兵伐晉戰於彭衙秦不利引兵歸戎王使由余於秦由余其先晉人也亡人戒能晉言聞繆公賢故使由余觀秦秦繆公示以宮室積聚由余曰使鬼爲之則勞神矣使人爲之亦苦民矣繆公怪之問曰中國以詩書禮

白、送、山、與、於

○心、向、○法、○



樂法度為政。然尚時亂。今戎夷無此。何以為治。不亦難乎。由余笑曰。此乃中國所以亂也。夫自上聖黃帝。作為禮樂法度。身以先之。僅以小治。及其後世。日以驕淫。阻法度之威。以責督於下。下罷極。則以仁義怨望於上。上下交爭。怨而相篡弑。至於滅宗。皆以此類也。夫戎夷不然。上含淳德。以遇其下。下懷忠信。以事其上。一國之政。猶一身之治。不知所以治。此真聖人之治也。由余

此種議論全是一節莊子學問大旨。在簡易以便民而勿強之。其意自妙。而商君遂醜詆先王。

之法而盡廢之。以為所欲為。秦用以帝。亦以此亡。簡易流弊一。至於此。由余之論一變為商君申韓原於道。於是繆公退而問內史廖曰。孤聞德至言哉。慮之。

鄰國有聖人。敵國之憂也。今由余賢寡人之害。將奈之何。內史廖曰。戎王處僻隘。未聞中國之聲。君試遺其女樂。以奪其志。為由余請以疏其間。留而莫遣。以失其期。戎王怪之。必疑由余。君臣有間。乃可虜也。且戎王好樂。必怠於政。繆公曰。善。因與由余曲席而坐。樽器而食。問其地形。與其兵勢。盡答。而後令內史廖以女樂二八遺



戎王戎王受而說之○妙○在○此○終身不還於是秦乃歸由

余由余數諫不聽繆公又數使人間要由余由○畢○竟○秦○誦○而○由○秦○與○之○然○從○得○十○一○念○生○出○

余遂去降秦繆公以客禮禮之問伐戎之形○語○末○所○以○霸○也

十六年繆公復益厚孟明等使將兵伐晉渡河

焚船大敗晉人取王官及郤以報殺之役晉人

皆城守不敢出於是繆公乃自茅津渡河封殺

中尸為發喪哭之三日乃誓於軍曰嗟士卒聽

無譱余誓告汝古之人謀黃髮番番則無所過

以申思不用蹇叔百里傒之謀故作此誓令後

世以記余過君子聞之皆為垂涕曰嗟乎秦繆

公之與人周也卒得孟明之慶三十七年秦用

由余謀伐戎王益國十二開地千里遂霸西戎

天子使召公過賀繆公以金鼓三十九年繆公

卒葬雍從歿者百七十七人秦之良臣子與氏

三人名曰奄息仲行鍼虎亦在從歿之中秦人

哀之為作歌黃鳥之詩君子曰秦繆公廣地益

國東服彊晉西霸戎夷然不為諸侯盟主亦宜

哉死而弃民收其良臣而從歿且先王崩尚猶

秦本紀 卷五 大來堂



遺德垂法况奪之善人良臣百姓所哀者乎是以知秦不能復東征也穆公子四十人其太子罃代立是爲康公康公元年往歲繆公之卒晉襄公亦卒襄公之弟名雍秦出也在秦晉趙盾欲立之使隨會來迎雍秦以兵送至令狐晉立襄公子而反擊秦師秦師敗隨會來奔二年秦伐晉於武城報令狐之役四年晉伐秦取少梁六年秦伐晉取羈馬戰於河曲大敗晉軍晉人患隨會在秦爲亂乃使魏謗餘詳反合謀會詐

而得會會遂歸晉康公立十二年卒子共公立共公二年晉趙穿弑其君靈公三年楚莊王疆北兵至雒問周鼎其公立五年卒子桓公立桓公三年晉收戎一將十年楚莊王服鄭北敗晉兵於河上當是之時楚霸爲會盟合諸侯二十四年晉厲公初立與秦桓公夾河而盟歸而秦倍盟與崔合謀擊晉二十六年晉率諸侯伐秦秦師敗走追至涇而還桓公立二十七年卒子景公立景公四年晉欒書弑其君厲公十五年



救鄭，敗晉兵於櫟。是時晉悼公爲盟主。十八年，晉悼公彊，數會諸侯，率以伐秦，敗秦軍，秦軍走。晉兵追之，遂渡涇，至械林而還。二十七年，景公如晉，與平公盟。已而背之。三十六年，楚公子圍弑其君而自立，是爲靈王。景公母弟后子鍼有寵，景公母弟富或譖之，恐誅，乃奔晉，車重千乘。晉平公曰：「后子富如此，何以自亡？」對曰：「秦公無道，畏誅，欲待其後，世乃歸。」三十九年，楚靈王彊，會諸侯於申，爲盟主，殺齊慶封。景公立四十年。

卒，子哀公立。后子復來歸秦，哀公八年，楚公子弃疾弑靈王而自立，是爲平王。十一年，楚平王來求秦女爲太子建妻，至國，女好而自娶之。十五年，楚平王欲誅建，建亡。伍子胥奔吳，晉公室卑而六卿彊，欲內相攻，是以久。秦晉不相攻。三十一年，吳王闔閭與伍子胥伐楚楚，王亡奔隨。吳遂入郢，楚大夫申包胥來告急，七日不食，日夜哭泣，於是秦乃發五百乘救楚，敗吳師，吳師歸。楚昭王乃得復入郢，哀公立三十六年，卒。太



子夷公夷公蚤死不得立立夷公子是爲惠公  
惠公元年孔子行魯相事五年晉卿中行范氏  
反晉晉使智氏趙簡子攻之范中行氏亡奔齊  
惠公立十年卒子悼公立悼公三年齊臣田乞  
弑其君孺子立其兄陽生爲悼公六年吳敗齊  
師齊人弑悼公立其子簡公九年晉定公與吳  
王夫差盟爭長於黃池卒先吳吳疆陵中國十  
二年齊田常弑簡公立其弟平公常相之十三  
年楚滅陳秦悼公立十四年卒子厲共公立孔

子以悼公十二年卒厲共公二年蜀人來賂十  
六年灑河旁以兵二萬伐大荔取其王城二十  
一年初縣潁陽晉取武成二十四年晉亂殺智  
伯分其國與趙韓魏二十五年智開與邑人來  
奔三十三年伐義渠虜其王三十四年日食厲  
共公卒子躁公立躁公二年南鄭反十三年義  
渠來伐至渭南十四年躁公卒立其弟懷公懷  
公四年虜長葛與大臣圍懷公懷公自殺懷公  
太子曰昭子蚤歿大臣乃立太子昭子之子是



爲靈公。靈公，懷公孫也。靈公六年，晉城少梁，秦擊之。十二年，城籍姑。靈公卒，子獻公不得立。立靈公季父悼子，是爲簡公。簡公昭子之弟，而懷公子也。簡公六年，令吏初帶劍。澠洛城，重泉。十六年，秦子惠公立。惠公十二年，子出子生。十三年，伐蜀，取南鄭。惠公卒，出子立。出子二年，庶長改迎靈公之子獻公于河西而立之。殺出子及其母，沈之淵。秦以往者數易君，君臣乖亂。故晉復疆，奪秦河西地。獻公元年，止從死。二年，城

櫟陽。四年，正月庚寅，孝公生。十一年，周太史儋見獻公曰：周故與秦國合而別，別五百歲復合。合七十七歲而霸王出。十六年，桃冬花。十八年，雨金櫟陽。二十一年，與晉戰於石門，斬首六萬。天子賀以黼黻。二十三年，與魏晉戰少梁，虜其將公孫雍。二十四年，獻公卒，子孝公立。年已二十一歲矣。孝公元年，河山以東，疆國六，與齊威楚、宣魏、惠燕、悼韓、哀趙、成侯並，淮泗之間，小國十餘。楚、魏與秦接界，魏築長城，自鄭濱洛以北。



有上郡。楚自漢中，南有巴黔中，周室微，諸侯力  
政，爭相併，秦僻在雍州，不與中國諸侯之會盟。  
夷翟遇之，孝公於是布惠，振孤寡，招戰士，明功  
賞，下令國中曰：「昔我穆公自岐雍之間，修德行  
武，東平晉亂，以河爲界，西竊皮翟，廣地千里，天  
子致伯，諸侯畢賀，爲後世開業，甚光美。會往者  
厲蹠，簡公出子之不寧，國家內憂，未遑外事，三  
晉攻奪我先君河西地，諸侯卑秦，醜莫大焉。獻  
公即位，鎮撫邊境，徙治櫟陽，且欲東伐，復穆公

之故地，修穆公之政令，寡人思念先君之意，常  
痛於心。賓客羣臣，有能出奇計彊秦者，吾且尊  
官，與之分土。於是乃出兵東圍陝城，西斬戎之  
獮王。衛鞅聞是令，下西入秦，因景監求見孝公。  
二年，天子致胙。三年，衛鞅說孝公變法修刑，內  
務耕稼，外勸戰攻之賞罰。孝公善之，其龍杜摯  
等弗然，相與爭之。卒用鞅法，百姓苦之。居三年，  
百姓便之，乃拜鞅爲左庶長。其事在商君語中。  
七年，與魏惠王會杜平。八年，與魏戰元里，有功。



十年衛鞅爲大良造將兵圍魏安邑降之十二年作爲咸陽築冀闕秦徙都之并諸小鄉聚集爲大縣縣一令四十一縣爲田開野陌東地渡洛十四年初爲賦十九年天子致伯二十年諸侯畢賀秦使公子少官率師會諸侯逢澤朝天二十一年齊敗魏馬陵二十二年衛鞅擊魏虜魏公子卬封鞅爲列侯號商君二十四年與晉戰鴈門虜其將魏錯孝公卒子惠文君立是歲誅衛鞅鞅之初爲秦施法法不行太子犯禁

鞅曰法之不行自於貴戚君必欲行法先於太子太子不可黥黥其傅師於是法大用秦人治及孝公卒太子立宗室多怨鞅鞅亡因以爲反而卒車裂以徇秦國惠文君元年楚韓趙蜀人來朝二年天子賀三年王冠四年天子致文武胙齊魏爲王五年陰晉人犀首爲大良造六年魏納陰晉陰晉更名寧秦七年公子卬與魏戰虜其將龍賈斬首八萬八年魏納河西地九年渡河取汾陰皮氏與魏王會應圍焦降之十年



張儀相秦，魏納上郡十五縣。十一年，魏義渠歸，魏焦曲沃，義渠君為臣，更名少梁曰夏陽。十二年初臘，十三年四月戊午，魏君為王，韓亦為王。使張儀伐取陝，出其人與魏。十四年，史為元年。二年，張儀與齊楚大臣會齧桑。三年，韓魏太子來朝。張儀相魏。五年，王游至北河。七年，樂池相秦，韓趙魏燕齊帥匈奴共攻秦。秦使庶長疾與戰，修魚虜其將申差，敗趙公子渴，韓太子魚斬首八萬。二十八年，張儀復相秦。九年，司馬錯伐

蜀滅之。伐取趙中都西陽。十年，韓太子蒼來質，伐取韓石章。伐敗趙將泥，伐取義渠二十五城。十一年，樗里疾攻魏焦，降之，敗韓岸門，斬首萬。其將犀首走，公子通封於蜀。燕君讓其臣子之。十二年，王與梁王會臨晉，庶長疾攻趙虜趙將莊，張儀相楚。十三年，庶長章擊楚於丹陽，虜其將屈匄，斬首八萬。又攻楚漢中，取地六百里。置漢中郡。楚圍雍氏，秦使庶長疾助韓而東攻齊。到滿助魏攻燕。十四年，伐楚取召陵丹犁。臣蜀



相壯殺蜀後來降惠王太子武王立韓魏齊楚  
越皆兵從武王元年與魏惠王會臨晉誅蜀相  
壯張儀魏章皆東出之魏伐義渠丹梁二年初  
置丞相樛里疾甘茂為左右丞相張儀死於魏  
三年與韓襄王會臨晉外南公揭卒樛里疾相  
韓武王謂甘茂曰寡人欲容車通三川窺周室  
死不恨矣其秋使甘茂庶長封伐宜陽四年拔  
宜陽斬首六萬涉河城武遂魏太子來朝武王  
有力好戲力士任鄙烏獲孟說皆至大官王與

孟說舉以絕贖八月武王歿族孟說武王取魏  
女為后無子立異母弟是為昭襄王昭襄母楚  
人姓芊氏號宣太后武王歿時昭襄王為質於  
燕燕人送歸得立昭襄王元年嚴君疾為相甘  
茂出之魏二年彗星見庶長壯與大臣諸侯公  
子為逆皆誅及惠文后皆不得良歿悼武王后  
出歸魏三年王冠與楚王會黃棘與楚上庸四  
年取蒲坂彗星見五年魏王來朝應亭復與魏  
蒲坂六年蜀侯輝反司馬錯定蜀庶長奭伐楚



斬首二萬，涇陽君質於齊。日食，書晦。七年，拔新城，榜里子卒。八年，使將軍芊戎攻楚，取新市。齊使章子、魏使公孫喜、韓使暴鳶，共攻楚方城，取唐昧。趙破中山，其君亡，竟收齊、魏公子勁、韓公子長爲諸侯。九年，孟嘗君、薛文來相秦，與攻楚，取八城，殺其將景快。十年，楚懷王入朝秦，秦留之。薛文以金受免，樓緩爲丞相。十一年，齊、韓、魏、趙、宋、中山五國共攻秦，至鹽氏而還。秦與韓、魏、河北及封陵以和。彗星見，楚懷王走之趙。趙不

受，還之秦，即歿。歸葬。十二年，樓緩免，穰侯、魏冉爲相，予楚粟五萬石。十三年，向壽伐韓，取武始、左更白，起攻新城。五大夫禮出亡，奔魏。任鄙爲漢中守。十四年，左更白起攻韓、魏於伊闕，斬首二十四萬，虜公孫喜，拔五城。十五年，大良造白起攻魏，取垣，復予之。攻楚，取宛。十六年，左更錯取軹及鄧，冉免，封公子市、宛。公子慳、鄧、魏冉、陶爲諸侯。十七年，城陽君入朝，及東周君來朝。秦以垣爲蒲坂，皮氏王之。宣陽。十八年，錯攻垣、河



雍決橋取之十九年王爲西帝齊爲東帝皆復去之呂禮來自歸齊破宋宋王在魏歿温任鄙卒二十年王之漢中又之上郡北河二十一年錯攻魏河內魏獻安邑秦出其人募徙河東賜爵赦罪人遷之涇陽君封宛二十二年蒙武伐齊河東爲九縣與楚王會宛與趙王會中陽二十三年尉斯離與三晉燕伐齊破之濟西王與魏下會宜陽與韓王會新城二十四年與楚王會鄆又會穰秦取魏安城至大梁燕趙救之秦

軍去魏冉免相二十五年拔趙二城與韓王會新城與魏王會新明邑二十六年赦罪人遷之穰侯冉復相二十七年錯攻楚赦罪人遷之南陽白起攻趙取代光狼城又使司馬錯發隴西因蜀攻楚黔中拔之二十八年大良造白起攻楚取鄆鄧赦罪人遷之二十九年大良造白起攻楚取郢爲南郡楚王走周君來王與楚王會襄陵白起爲武安君三十年蜀守若伐取巫郡及江南爲黔中郡三十一年白起代魏取兩城



楚人反我江南，三十二年相穰侯攻魏，至大梁，破暴鳶，斬首四萬，鳶走。魏入三縣請和。三十三年，客卿胡傷攻魏卷，蔡陽長社，取之。擊芒卯華陽，破之，斬首十五萬，魏入南陽以和。三十四年，秦與魏韓上庸地爲一郡，南陽免臣遷居之。三十五年，佐韓魏楚伐燕，初置南陽郡。三十六年，客卿竈攻齊，取剛壽，予穰侯。三十八年，中更胡傷攻趙閼與，不能取。四十年，悼太子死，魏歸葬芷陽。四十一年，夏，攻魏，取邢丘懷。四十二年，安

國君爲太子。十月，宣太后薨，葬芷陽鄠山。九月，穰侯出之陶。四十三年，武安君白起攻韓，拔九城，斬首五萬。四十四年，攻韓南郡，取之。四十五年，五大夫賁攻韓，取十城，葉陽君懼，出之國，未至而死。四十七年，秦攻韓上黨，上黨降趙。秦因攻趙，趙發兵擊秦，相距。秦使武安君白起擊大破趙於長平，四十餘萬盡殺之。四十八年，十月，韓獻垣雍，秦軍分爲三軍，武安君歸，王齕將，伐趙武安，皮宋拔之。司馬梗非定太原，盡有韓上



黨正月兵罷復守上黨其十月五大夫陵攻趙  
邯鄲四十九年正月益發卒佐陵陵戰不善免  
王齧代將其十月將軍張唐攻魏爲蔡尉捐弗  
守還斬之五十年十月武安君白起有罪爲士  
伍遷陰密張唐攻鄭拔之十二月益發卒軍汾  
城旁武安君白起有罪歿齧攻邯鄲不拔去還  
奔汾軍二月餘攻晉軍斬首六千晉楚流死河  
二萬人攻汾城即從唐拔寧新中寧新中更名  
安陽初作河橋五十一年將軍摎攻韓取陽城

負黍斬首四萬攻趙取二十餘縣首虜九萬西  
周君背秦與諸侯約從將天下銳兵出伊闕攻  
秦令秦毋得通陽城於是秦使將軍摎攻西周  
西周君走來自歸頓首受罪盡獻其邑三十六  
城口三萬秦王受獻歸其君於周五十二年周  
民東亡其器九鼎入秦周初亡五十三年天下  
來賓魏後秦使摎代魏取吳城韓王入朝魏委  
國聽命五十四年王郊見上帝於雍五十六年  
秋昭襄王卒子孝文王立尊唐八子爲唐太后



而合其葬於先王。韓王哀經入弔祠，諸侯皆使其將相來弔祠，視喪事。孝文王元年，赦罪人，修先王功臣，褒原親戚，弛苑囿。孝文王除喪十月，已亥即位。三日辛丑卒。子莊襄王立。莊襄王元年，大赦罪人，修先王功臣，施德厚骨肉，而布惠於民。東周君與諸侯謀秦，秦使相國呂不韋誅之，盡入其國。秦不絕其祀，以陽人地賜周君，奉其祭祀，使蒙驁代韓，韓獻成臯，鞏秦界至大梁。初置三川郡。二年，使蒙驁攻趙，定太原。三年，蒙

驁攻魏高都，拔之，攻趙榆次、新城、狼孟，取三十七城。四月，日食。四年，王齧攻上黨，初置太原郡。魏將無忌率五國兵擊秦，秦卻於河外。蒙驁敗，解而去。五月丙午，莊襄王卒，子政立，是爲秦始皇帝。秦王政立二十六年，初并天下爲三十六郡，號爲始皇帝。始皇帝五十一年而崩，子胡亥立，是爲二世皇帝。三年，諸侯並起叛秦，趙高殺二世，立子嬰。子嬰立月餘，諸侯誅之，遂滅秦。其語在始皇本紀中。



太史公曰秦之先爲嬴姓其後分封以國爲姓  
有徐氏郟氏莒氏終黎氏運奄氏菟裘氏將梁  
氏黃氏江氏修魚氏白冥氏蜚廉氏秦氏然秦  
以其先造父封趙城爲趙氏

史記

五



